



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gasparis Megandri Tigvrini, In epistolam Pauli ad Ephesios co[m]mentarius

Megander, Kaspar

Basileae, 1534

VD16 G 3485

Capvt III.

urn:nbn:de:hbz:466:1-36069

DVO in hoc capite agit Paulus. Primum docet se ideo à Iudæis multa passum, quod mysteriū de Gētibus saluandis, domini iussu prædicauerit. Deinde Ephesios rogat, ne ob afflictiones ipsius ab Euangelica doctrina deficiant, & ut eò facilius in illa perseverare possint, ait se iugibus precibus apud deum pro ipsis interpellere.

Huius rei gratia.

Videlicet, quod docuerim promissiones dei de Meschia nō solum ad Iudeos, uerum etiam ad uos Gēteis pertinere. Cur autem, & per quos in uincula coniectus sit, Lucas Actorum uicesimo primo in hæc uerba describit: Dum septem dies penè fuissent explati, hi qui ab Asia erant Iudæi, quum uidissent Paulū in templo, conturbarūt totum

totum populum , & iniecerunt ei manus clamantes: Viri frahelitæ, hic est ille homo , qui aduersus populum & legem, & locum hunc omneis ubique docet &c. Ex quo docebis, quod Euangelij prædicatio & professio nullos capitaliores hosteis habeat, quam hypocritas, & iusticiarios: tametsi eñ homines dissolutissimè uiuentes illi nonnū quā reclament, tamē illam plerunq; sīnunt, nec impugnant, nisi ab hypocritis illis sollicitent. Quemadmodū itaq; Paulo, & Christo, scribæ, & pharisæi negocium fecerunt, & multitudinem contra illos cōcitarunt: sic & sacerdotes & monachi nostro seculo non solū plebē irritat, sed etiā principes muneribus corrūpunt, uti ipsorum luxū armis defendat, ac Euangelicā doctrinā ē medio tollant. Porrò quemadmodū

Iudæi

76 COMMENT. IN EPIST.

Iudæi Christianissimum adhuc herbe
fcentem eradicare non potuerunt, eti-
am cum Christum in crucem sustulis-
sent, & Apostolos eius aliū alio suppli-
cio affecissent: sic nec nostri psecutores
Euangeliū, iā in spicas enatū, haētenus
extirpare potuerūt, nec unquā potue-
rūt etiam si multos illius studiosos gra-
uiissimē mulctāt, proscribant, et capitis
supplicio afficiant. Quātō enim magis
premitur, tantō magis erigitur, ac ui-
res sumit. Adeò efficax est ueritas &
potentia Christi.

Siquidem audistis dispensationem gratiæ dei.

Hoc est, nimirum iam dudum per-
cepistis, quod munus prædicādi Euau-
gelij apud uos genteis mihi demanda-
tum sit. Ceterum Euangelij prædica-
tionem, ideo gratiam dei uocat, quod
illud nobis per solam dei gratiā, & nul-
lo nostro merito & prædicetur, & acci-
piatur.

piatur. Vnde discimus magni beneficij loco habendum, sic ubi Euangeliū syncerè, ac germanè prædicetur.

Quod secundum reuelationem.

Id est, mysterium hoc de Euangelio gentibus communicando, cœlitus mihi reuelatum est. Nam Euangeliū, quod modo administrationem gratiæ dei uocauit, iam mysterium appellat. Quale autem hoc mysterium fuerit, supra capite primo copiosius ipse disputat, & paulopost Ephesios eò relegat. Quod uero Paulus Apostolatum suum in genteis tam diligēter afferit, hinc factum est: ne illæ uanum esse putarent, quod prius de ipso audiuerāt.

Quem admodum ante scripsi.

Suple in capite primo.

Cognitionem meam in mysterio.

Quasi diceret, hinc facile patet, me haud clām fuisse, quod per Euangeliū prædicationem

prædicationem etiam Gentes ad salutem uocanda essent.

Quod in alijs ætatibus.

Quod, inquit Euangelium Gētibus quoq; prædicandum esset, superioribus seculis non fuit notum, adeò ut etiam post Christi ascensionem Petrus existimauerit, id Gētibus communicari nefas esse, donec per uisionem diuinam aliter edoctus est, de quo Acto rum decimo.

Quemadmo dum nunc reuelatum est.

Commodum tacitæ obiectioni occurrit Paulus: obiecisset enim aliquis, quid nam audio Paule, an non Esaiæ, Oseæ, & aliis prophetis hoc mysteriū fuit cognitum, quum Gētiū uocationem prædixerunt. Maximè, inquit, sed tamen non ad plenū intellexerūt, quod scilicet ex Iudæis, & Gētibus una, eademq; Christi ecclesia coalitura esset

efset. Id quod nobis Apostolis, prophetis posterioribus, hoc est, uerbi ministri reuelatum est. Vocabulū namq; Popheta hēc eo modo accipitur, quo 1. Cor. 12. & infra cap. 4.

Per spiritum.

Quām hic locus uariè ab interpres tibus legatur, uide doctissimas Erasmi adnotationes. Cæterū quod dicit per spiritum Apostolis reuelatū esse, gratuitam dei reuelationē intelligit. Vnde obiectionem impiorum quorundā facile refelles, qui dicunt: Ar. non sacerdotes nostri eosdem Euangelij libros ante 30. annos habuerunt, quos nunc habent, quū igitur sit, quod longe diuersum iam ex illo prædicat, quā antea: Respondebis, quia dñs iā illis uberiorē Euangelij luce reuelauit, que prius ob delicta nostra multis humanaū constitutionū tenebris obuoluta erat,

80 COMMENT. IN EPIST.

erat, propterea quod (ut idem Paulus secundo ad Thess. secundotestatur) ueritati mendacium papisticū anteposuimus. Quinimò si tam ingrati esse per gemus domino propter restauratū Euangelium, iusto ipsius iudicio rursus multò densioribus tenebris inuoluemur, quam papisticę unquam fuerint.

vt sint gentes cohæredes.

Hoc, inquit, mysterium est, quod transactis etatibus ignotum fuit, quod gentes (puta quae prius prophanæ, & idololatræ fuerant) credentium Iudeorum cohæredes futuræ essent.

Per Euangeliū.

Id est, per fiduciam Euāgelicæ prædicationi adhibitā. Hinc docebis, quoniam medio promissionum Iudæis potissimum factarum participes siamus, nimirum, si Chrsto, hoc est, ipsius doctrinæ credamus, tamen enim æterni regni

regni cum fidelibus Iudeis hæredes,
& Christi cohæredes euademus. At cū
pleriq̄ illam non solum nō audiant, sed
etiam persequantur, liquet, quod ab il-
lo regno exclusi æternis supplicijs dam-
nandi sint, nisi resipuerint.

Minister secundum donum.

Id est, cuius Euangeliū prædicandi
officium mihi iniunctum est, idq̄ secū-
dum donum gratiæ dei, hoc est, gratu-
ito dei dono, absq; ullis meis meritis. Iu-
xta illud Christi: Non uos me elegistis,
sed ego uos. Qui locus, ut uides, cōtra
liberum arbitrium, & meritum, ut uo-
cant, de congruo facit.

Quod datum est mihi &c.

Quāsi diceret, non tantum gratia, &
dono suo me ad hanc euangeliū prædi-
candi prouinciam uocauit, sed etiam
fortem, potentē ac efficacem in illa redi-
dit, ut illam pro dignitate administra-

F re

82 COMMENT. IN EPIST.

re possem. Est autē mira amplificatio,
& commendatio diuinę gratiæ, ac mi-
sericordiæ, Paulo exhibitę, adeo ut illa
fretis neq; secundis, neq; aduersis com-
moueri posset, ut ab officio sibi delega-
to, uel tantillū discederet. Proinde ex
hoc loco admonebis omneis ministerij
uerbi candidatos, ut iustum domini uo-
cationem expectent: tum enim futurū
esse, ut dominus eos idoneos, potēteis
& efficaces in negocio suo reddat. Edi-
uerso si lucri sui, & uentris causa, ultrò
se ingesserint, quod proh dolor nimis
sepe contigit, nullo cum fructu eos ec-
clesię præfuturos, sed quām primum
leuis aliqua afflictio, seu persecutio in-
gruerit, instar mercenariorū fugere,
& oueis lupis diripiendas, & laniādas
relinquere.

*Mibi minimo omnium sanctorum.
Modesta sui extenuatio est, qua do-
cet*

cet munusprædicādi Euangelij ad Gē
tes sibi delegatum esse, quantūuis par-
ue cōditionis, & existimationis homo
fuerit. Porrò scias quod ab initio huius
capitis gratię dispensationem, heīc ab-
solutè gratiam uocat, idem nanq; utro
biq; significare uult, id quod ipsius Pau-
li uerba haud obscurè præ se ferunt.

Imperuestigabileis diuitias Christi.

Nemo unquam mortalium tam cal-
lidus, acutus, sagax, & solers fuit, qui
thesaurum illum Euangelicum nobis
per Christum exhibitum penitus inue-
stigare, & introspicere potuerit. Qui
enim illum procul ostensum uiderit &
aliqua ex parte cognouerit, omnibus
rebus alijs neglectis, huic uni inhiat.
Nec iniuria, hoc enim deprehenso, a-
deò diues fit homo, ut cum nihil, iudi-
cio incredulorum, habere uideatur, o-
mnia tamen possideat, ut inquit idem

F 2 Paulus

84 COMMENT. IN EPIST.

Paulus secundo Corinthiorum sexto.

Vnde patet eum hec de spiritualibus
diuitijs, & æternis loqui, hoc est, de co-
gnitione salutis nostræ nobis per Chri-
stum partę, quas neq; tineq;, neq; erugo
corrūpunt, ut docet Christus Matthei
sesto. Tametsi nanq; Christiani hec
nonnūquam algeant, sudent, esfuriant
sitant, tamen spe futurarū diuitiarum,
ac delitiarum, temporalem paupertatē
& sordeis, æquo animo ferunt, & sua
sorte contenti sunt. Proinde ex hoc lo-
co docebis eternas potius diuitiaslectā-
das, quā temporales: propterea quod
illarum studiosus tranquillam cōscien-
tiā assequitur: harum uero studiosus
quanto plus adquirit, tanto plus ang-
tur. Id quod Horatius hoc uersiculo
pulchrè depinxit: Crescentem, inquit,
sequitur cura pecuniam.

In

In lucem proferam.

Id est, ut omnibus notū, & perspi-
cuum faciam arcanū, quod hactenus
occultum fuit.

Quae sit communio mysterij.

Id est, quo pacto promissiones dei
ad Iudæos potissimum factæ, nobis quo-
que gentibus cōmunicatæ sint. Com-
munionem namq; heic pro societate &
sodalitate accipi puto. Quemadmodū
enim mercatores & opifices eiusdem
sodalitatis, omnibus commodis illius
ex æquo fruuntur; sic Iudei, & Gentes
opera Christi concordes facti, & in u-
nam sodalitatem, hoc est, ecclesiam re-
dacti, eorundem commodum, hoc est
promissionum diuinarum pariter par-
ticipes sunt. Quod autem hic germanus
Pauli sensus sit, partim ex initio su-
perioris capitil, partim ex sequentibus
verbis liquet, quum inquit, quod erat

F 5 abscondi-

86 COMMENT. IN EPIST.

absconditū à seculis in deo, id est, quod hactenus nemini, præter deū, erat cognitum. Id quod copiosius ab initio istius capitinis à Paulo tractatur.

Qui uniuersa condidit per Iesum.

Paulus heic per periphrasim, & mente talesim docet Christum non simpliciter, ut nos, dei filiū esse, sed deū ipsum, & eiusdem essentię ac potentiaę cum patre suo cœlesti. Etenim cum Genes̄ os primo capite scribatur cœlum, & terra à deo esse condita: & Paulus heic scribat per Christum omnia esse condita, necessariò sequitur, ipsum patri per omnia, iuxta diuinitatē puto, & equalem esse. Id quod & Ioannes capite primo Euangelij sui haud obscurè ostendit, cū inquit: Omnia per ipsum facta sunt, & sine ipso factum est nihil. Heic rursus, ut supra quoq; commonefecimus, ope ræ pretium est naturas in Christo pro-

be

bē discernere, & utriusq; proprietatem
obseruare.

Vt notum fiat nunc principatibus.

Nunc suple, tempore Meschię pre-
stiti: Quasi diceret deus non solum mihi
prouincia mysterij sui hominibus aperiendi delegauit, sed etiam principa-
tibus cœlestibus, hoc est, cœlestibus cre-
aturis, angelis, & archāgelis illud p me
patefecit, qd̄ hactenus eis ignotū erat.

Per ecclesiam.

Subaudi ex Iudeis, & Gentibus col-
lectam. Tantum eni heīc articulus pre-
positiuus apud Græcos potest, Αὐτὸς
ἐκκλησίας, id est, per ecclesiam scilicet il-
lā, de qua nobis hactenus sermo fuit.

Varia sapientia dei.

Hoc est, arcanū illud dei consilium
de Iudeis, & Gentibus in unam ecclesi-
am coniungendis. Quod enim supra
mysteriū, heīc, meo iudicio, perquam

F 4 uariam

uariam dei sapientiam uocat:

Secundum præfinitionem seculorum:

Hoc inquit arcañum, & prudens cō
ſilium de Gentibus, & Iudeis copulan-
dis, quod ante condita ſecula ipſe ſolus
cœperat: nunc demum in Christo Iesu
& terreſtribus, & cœleſtibus creaturis
manifestauit. Huc facit quod idem Pau-
lus ſecundo ad Timotheum primo ſcri-
ptum reliquit, ubi de æterna uocatio-
ne noſtra, in hęc uerba ſcribit: Qui ſu-
ple deus, ſaluos facit noſ, & uocauit uo-
catione ſancta, non ſecundum opera
noſtra, ſed ſecundum ſuum proposi-
tum, & gratiam, que data quidem eſt
nobis per Christum Iesum ante tempo-
ra eterna: ſed palam facta eſt nunc per
apparationē ſeruatoris noſtri Iesu Chri-
ſti. Circa hūc locum obſeruabis, quod
non mirum ſit homines pios multa ſa-
crarum literarum, & fidei noſtræ my-
ſteria

steria ignorare, & cotidie rectius per spiritum sanctum edoceri: quum heic & alibi discamus cœlestibus, adeo q̄ purissimis creaturis, quæ dei, conspectu subinde fruuntur, temporis successu multa patefieri.

Per quem habemus audaciam.

Græca uox significatiōr est, quam latina. Parrisia enim dicendi libertatē significat, qua qui prædicti sunt liberē ac ingennè uerum proloquūtur, absq; ullo personarū respectu. Id quod huc bene quadrat. Paulus namq; significa re uult, nos liberē cum deo, de omnibus necessitatibus nostris colloqui posse. Aditum cum fiducia per synomiā exponit, quid per audaciam intelligat, nimirum quod nobis aditus ad deum patrem cum fiducia, id est, sine omni timore, per Christum Iesum pateat. Quis sanè locus miseris, & afflictas con-

F 5 scientias

90 COMMENT. IN EPIST.

sciētias mirificē consolat̄, dū audiūt se
ab interpellādo deo nō rejci, quantū
uis magna peccatorū mole premanē.

Per fidem illius.

Quasi diceret, aditus quidē pecca-
toribus ad deum patet, sed ijs dunta-
xat, qui de uiribus suis, & satisfactione
desperantes: per solam fiduciā in Chri-
stum Iesum (cui pater nihil denegare
potest) se peccatorū onere leuatū iri, &
uoti cōpotes fieri cupiūt, si quādo ali-
quid à patre cœlesti petendum est.

Quia propter peto ne deficiatur.

Altera capitī istius pars est, in qua
ex prædictis infert, Ephesios decere,
ut in Christianismo persistent, quando-
quidem deus ipsos tāto suo mysterio,
tot seculis abscondito, & æternæ salu-
tis thesauro dignatus sit.

Ob afflictiones meas.

Scilicet quas prouobis tolero dum
scilicet

scilicet mysteriū, & arcanum illud de
Iudæis & Gētibus in unam Christi ec-
clesiam congregandis, doceo: & ob id
maximis contumelijs, iniurijs, & affli-
ctionibus afficio à meis cōtribulibus.
De quo uide pr̄citatū Lucæ caput
Actorum uicesimoprimo. Hēc doce-
bis magno animo, & fiducia opus esse
ijs, qui in persecutionib⁹ perstare uo-
lunt, & tum demum apparere, qui nā
stipula, & qui aurum, & argētum fue-
rint, hoc est, q̄ fucati, & qui ueri Chri-
stiani sint. De quo lege Psal. 14. &
1. Cor. 3. Deniq̄ 1. Petri 1.

Quae est gloria uestra.

Quasi diceret afflictiones meę, quas
propter uos patior, non dedecori uo-
bis, sed glorię sunt. Dū enim nullis uin-
culis, & tormentis ab Euangelica pro-
fessione (quam uos quoque docui) pos-
sum abduci; uel inuitis Euangelicæ
ueritatis

92 COMMENT. IN EPIST.

ueritatis oſoribus patet, neq; me, neq;
uos illi temerè credidisse. Patet & hoc
quā efficax, & quā inconcuſſa ſit ueri-
tas, quæ quidem ad tempus premi, ſed
in totum opprimi, etiā totius mundi ui-
ribus non potest. Veriſimile autē eſt,
impios Iudæos Ephesijs probri tiice
Pauli uincula obieciſſe, ac in hunc mo-
dum eis insultaſſe: En quam bellum, &
honoratum Euangelij præconem ha-
betis: Scilicet Paulus dei amicus & cul-
tor eſt, ac eius uerbum p̄edicit uobis,
quum iam cōpedes, & uincula ob eam
prædicationem geſtet. Ad hunc mo-
dum & nobis Euangelij, & omnis ho-
neſtatis inimici cotidie occinūt. Quo-
rum næniæ, & gannitus à ueræ pieta-
tis ſtudioſis fortiter, ut Paulus heīc do-
cet, contemnendi ſunt.

Huius rei gratia flecto genua.

Kat' ûſegōy w̄pōtegōy, id eſt, per poſte-
rius,

rius, prius intelligitur, uidelicet quod magno amoris ardore erga ipsos flagret: quem quidem ex hoc facile deprehendere possint, quod indesinenteribus precibus pro ipsorum constantia, apud deum patrem interpellet. Ex hoc Pauli exemplo primum discimus non nisi unicum solum deum colendum, & uenerandum esse, illumque in necessitatibus inuocandum. Id quod contra eos facit qui in periculis constituti, nunc diuum Nicolaum uice Neptuni, nunc diuam uirginem, inuocant. Deinde Christianorum officium esse, ut alius pro alio (quā diu in hoc seculo sumus) oret, non autem pro ihs, qui uita functi sunt. Propterea quod Christus in Evangelio Ioannis capite tertio unicam iustificandi uiam ostendat, quum inquit: Qui credit in me, habet uitam æternam: qui autem non credit, iam condenatus est.

Ex

94 COMMENT. IN EPIST.

Ex quo omnis à communi patre cognatio.

Id est, quidqd in cœlo , & terra est
hoc totū ab illo patre ortū habet, ab
eoꝝ denominationē sumit. Quemad-
modū em pater familiās omnium, que
in familia sua fiunt autorest, omniaꝝ
illius esse dicuntur, & ab illo cognomi-
nantur : sic & deus pater omium au-
tor & creator est in immensa illa, & ua-
sta totius mundi familia, adeò ut cūcta
creata ab illo cognominetur, quod sci-
licet dei creaturæ sint. Hinc factum
est, ut idem Paulus Actorum decimo
septimo Atheniensibus illud hemisti-
chiū ex Arato Poëta Ethnico citaret.
τοῦ γὰρ οὐκέπειος εσμέν, id est, illius, su-
ple dei, genus seu progenies sumus,
hoc est, ab illo propagati. Cæterum
haud caret emphasi, quod Paulus ait,
communi patre, per hoc enim rursus
Ephesios, atque adeò omneis genteis
bene-

beneficij diuini commonefacit, quod scilicet opera Christi, illæ in familiam Israheliticam ascitæ sint. Hinc itaque docebis id, quod Christus Matthei uicesimotertio monet, ne patrem aliquem uocemus in terra, id est, ne uitæ huius præsidia, uiam ac rationem assequendæ æternæ uitæ, id est, ab ullo homine expectemus absolute, sed toti ab illo pendeamus, qui nos creauit, & iustificandi uiam nobis per Christum Iesum fecit. Quam qui non docent (ut sunt Papisticarum sectarum autores) non patris, sed uitrici, immo deceptoris nomen merentur.

Vt det uobis.

Hoc inquit, à deo meis interpellationibus contendō, ut secundum diuitias gloriæ suæ, id est, pro magnifice gratiæ suæ thesauro, nō desinat fiduciā uestram

§6 COMMENT. IN EPIST.

uestram in Christum Iesum augere, a-
deò forteis & constanteis reddere: ut
nullis nec satanæ, nec mudi insultibus,
nec ullis etiam carnalibus illecebris ita
succumbatis, ut à Christo deficiatis.

Per spiritum suum.

Quemadmodum deus nos spiritu
suo regenerat (ut est uidere Matchæi
tertio, & Ioannis tertio) sic eodem spi-
ritu nos magnanimos, ac forteis red-
dit, ut neq; in secundis rebus insolesta-
mus, neq; in aduersis desperemus.
Hinc enim idem Paulus 2. Corrin. 5.
sic scribit: Porro qui paravit nos in
hoc ipsum, deus est, q; idē dedit nobis
arrabonē spiritus. Itaq; bono animo su-
mus semp &c. Ex hoc itaq; loco admo-
nebis, homini uires in negocio Euan-
gelico planè nullas esse: uim à spiritu
dei fulciantur, ideoq; illius augmentū
subinde à deo petendum esse.

Vt

Vt inhabitet Christus.

Quid per internum hominem signifi-
care uoluerit, per expolitionem copio-
sius expolit: Quasi diceret oro deū ut
uos iuxta interiorem hominem corro-
boret, & constantes reddat, hoc est, ut
Christum non tantum in lingua, sed in
imo pectore teneatis.

Fixis in charitate radicibus.

Hēc certissimā notam habes, quod
Paulus per robur interioris hominis
nihil aliud intelligat, quam fidem non
simulatam, & charitatem ex puro cor-
de, ac conscientia bona profectā: quem
admodum & primo ad Timotheū pri-
mo omnium mandatorum dei finem,
& scopum in his situm esse commemo-
rat. Hinc rursus docebis Iacobū in sua
epistola non frustra contra fidei iacta-
tores dixisse. Fides sine operibus mor-
tua, id est, nil nisi uana opinio est. Nisi

G enim

98 COMMENT. IN EPIS.T.

enim illa radices ita egerit, ut instar bo
næ arboris, suo tempore in dulces fru
ctus, hoc est, in opera charitatis erum
pat, fiducię nomen nō meret: id quod
Christus Mathei decimotertio per si
militudinem de seminante eleganter
docet.

Quæ sit latitudo & longitudo.

Id est, ut exactè, & perspicuè Chri
stum agnoscatis. Estq; locus à sufficien
ti diuisione, & metaphora à Geome
tris sumpta, qui corporis longitudinē,
profunditatem, & altitudinem dimeti
untur. Atq; hūc sensum esse germanū,
sequentia ostendunt, quum inquit: co
gnoscereq; &c.

Præminentē cognitionis dilectionē Christi.

Hoc quoq; inquit, in precibus meis
à deo contendo, ut captiuī inestimabi
lem & incomprehensibilem Christi cha
ritatem erga genus humanū redimen
dum

dū, cognoscatis: quomodo scilicet deo patri æqualis, eternum cum eterno, formam tamen serui assumpserit, ut nos à diaboli seruitute in libertatē affereret. Obseruabis autem Paulum ideo Ephesijs uberiorem cognitionem dilectionis Christi erga nos optare: ut beneficij magnitudine intellecta, ipsijs, adeo nos omnes, eō ardenter ipsum redamemus, atq; illius exemplo, nos quoque flagrantissimo amore fratres nostros prosequamur. Ceterum de subdura huius loci & constructione, & veterum interpretatione, consule eruditissimas simul & christianissimas Erasmi annotationes.

Vt impleamini in omnem plenitudinem.

Vt paruo, inquit, fasciculo omnia cōprehendā, & summatim dicam, precor ut rebus diuinis prorsus impleami. Perstat enim adhuc in precibus suis

G 2 de

110 COMMENT. IN EPIST.

scribendis, quas pro Ephesijs effundet. Hinc itaq; tu docebis, cotidie ad perfectionem, & plenitudinem dei intendum esse, de qua Matthæi quinto capite, tametsi eam ad plenū nemo unquam mortaliū apprehenderit. Est em̄ aliquid, prodire tenus, si non datur ultrā, præsertim cum sciamus Christum pro eiusmodi rerum studiosis satisfecis se. De quo lege initium capit is octauī ad Rhomanos.

Ei uero, qui potest cumulate.

Coronis est solenni disputationi ad iuncta, de qua uide aureas Erasmi adnotaciones. Ceterum per occupationem tacitę obiectioni occurrit. Sic enim aliquis ei obiecisset: Insanis Paule, qui id à deo postules, quod nulli homini impartire solet, uidelicet, ut totus diuinus reddatur. Imò uero inquit: deus est potis plura, & maiora præstare, quam uel

ego

ego, uel quisquam mortalium cogitare, nedum petere possit.

luxta uim agentem in nobis.

Confirmat à suo, & Ephesiorum exemplo, quod deus omnia affatim præstare possit, quæ ab ipso postulamus: Quasi diceret an' non uis, ac potentia dei in me eluxit, dum ex inimico & persecutore amicum, & patronum ecclesiæ Christi fecit. An' non etiam uim suam exeruit, dum ex uobis prophanis, & impijs satanæ mancipijs, Euangelij consortes, ac filios dei reddidit: Hinc igitur patet, illum plura posse præstare quam nos petere queamus. Siquidem nescimus quid orandum sit, sed spiritus sanctus, qui infirmitatibus nostris opaculatur, interpellat pro nobis apud dum gemitibus in narrabilibus, ut idem Paulus Rhoman. octauo testatur.

G 5 Caput